

"মিষ্টি বাচ্চারা - বাবার দ্বারা তোমাদের রাইট পথ অর্থাৎ সঠিক রাস্তা দেখানো হয়েছে, এইজন্য কোনরকম ভুল কর্ম বা বিকর্ম করোনা"

প্রশ্নঃ - এই সময় মানুষ যা সঞ্চল করে সেটাই পাপযুক্ত (বিকল্প) হয়ে যায়, কেন ?

উত্তরঃ - কারণ তাদের বুদ্ধিতে কোনটা রাইট আর কোনটা রং (ঠিকভুলের) সেটা বুঝতে পারেনা । মায়া তাদের বুদ্ধিতে সম্পূর্ণরূপে তালা লাগিয়ে দিয়েছে । বাবা যতক্ষণ না এসে প্রকৃত পরিচয় দেন ততক্ষণ তাদের সব সঞ্চল পাপযোগ হয়ে যায় । মায়ার রাজ্যে যদিও তারা ভগবানকে স্মরণের সঞ্চল করে, তবুও তাদের সঞ্চল রং অর্থাৎ ভুল হয়ে যায়, ভগবানের পরিচয় যথার্থভাবে না জানার জন্য । এই সূক্ষ্ম ব্যাপারগুলো বুঝতে হবে ।

গীতঃ- ওম্ নমঃ শিবায়

ওম্ শান্তি ! মিষ্টি মিষ্টি বাচ্চারা গীত শুনেছে । গীতের যথার্থ অর্থ তোমাদের বুদ্ধিতে এসে গেছে । যারা এই গীত গাইছে তারা জানেনা এর অর্থ কি ! এর প্র্যাকটিক্যাল অর্থ তোমরা জানো এবং বাবা, যিনি সহায় হয়ে তোমাদের সমুখে আছেন, তাঁর দ্বারা উদ্ধৃত হয়ে পুরুষার্থও তোমরা করছ । তিনি তখনই সহায় হন, যখন অনেক দুঃখের উপস্থিতি হয় । তোমরা বাচ্চারা জানো, তিনি মানুষ মাত্রেরই গুপ্ত সহায়ক অর্থাৎ যারা এখন এই পুরানো দুনিয়ায় আছে তাদের সকলের তিনি সহায় । অনেক প্রজাতি যেমন আছে, অনেক রকমের জানোয়ারও আছে । সত্যযুগে কোনও অশুদ্ধ জিনিস বা অশুচি জানোয়ার ইত্যাদি হবেনা । এই ড্রামা পূর্ব নির্ধারিত । বিত্তবান মানুষের কাছে নিশ্চয়ই উচ্চমানের ঘরবাড়ি এবং ফার্নিচার ইত্যাদি থাকবে । গরীবের কাছে কি হবে, তা তোমরা বুঝতে পারো । বর্তমানে, সমগ্র পুরানো দুনিয়া রাবণরাজ্য এবং পোকামাকড়, সর্প, অন্যান্য সরীসৃপ ইত্যাদি ক্ষতি করে । মানুষ যেমন তমোপ্রধান হয়ে যায়, তেমন তাদের জিনিষপাতিও তমোপ্রধান হয়ে যায় । যদিও মানুষ চল্লিশ তলা উঁচু মহল বানায়, তবুও স্বর্গের তুলনায় সেইগুলো কিছুই না । যা কিছু তৈরি হচ্ছে সেইসবই ধ্বংস হতে হবে । তোমরা বাচ্চারা জানো, বাবা এসেছেন । একদম প্রথমে বাবা আস্বা এবং পরমাস্বার প্রভেদ বোঝান । মানুষ না জানে আস্বাকে আর না জানে পরমাস্বাকে । তোমরা বাচ্চারা এখন জেনেছ, আস্বা - পরমাস্বার রূপ কি ! তারা মন্দিরে মন্দিরে পূজা করে । বেনারসে অনেক বড় শিবলিঙ্গ আছে যেখানে সবাই পূজা করে । এমনকি তারা বলেও, আস্বা স্টার, ব্রুকুটির মাঝে বিরাজমান । ব্রুকুটির মাঝে যদি বড় জিনিস কিছু থাকতো তবে তো টিউমার হয়ে যেতো । এই বিষয়গুলো বুঝতে হবে । পরমাস্বাও স্টার, কিন্তু তোমরা ভুলে যাও । শিববাবাকে যখন স্মরণ করো, তোমাদের বুদ্ধিতে আসা উচিত যে বাবা স্টার এবং সারা জ্ঞান তাঁর মধ্যে আছে । তিনি সৎ এবং চৈতন্য । তাঁর মধ্যে বুদ্ধিও আছে । মন এবং বুদ্ধি দুটোই আলাদা জিনিস । মনের মধ্যে তুফান ছোটে । সত্যযুগে কোনও তুফান ইত্যাদি আসেনা । এখানে মানুষের সাধারণ আর পাপজনক সঞ্চল চলে । এই সময় মানুষ যাকিছু সঞ্চল করে তাই পাপযোগ হয়ে যায় । এই বিষয়গুলো খুব স্পষ্টভাবে বুঝতে হবে । শান্তিধাম এবং সুখধামকে স্মরণ করা খুব সহজ । সূক্ষ্ম এই বিষয়গুলো তোমাদের বোঝানো হয়েছে । আস্বা কত সূক্ষ্ম, যে সত্য এবং চৈতন্য । যখন কোনও আস্বা গর্ভে প্রবেশ করে, তখনই নড়তে শুরু করে । বাস্তবে পাঁচ তন্ত্রও চৈতন্য, যার কারণে জিনিসগুলো বাড়তে পারে । যতই হোক,

সেইসবের মন-বুদ্ধি নেই এবং সংকল্প ইত্যাদিরও কোনও প্রশ্ন নেই। গর্ভে দেহ বাড়তে থাকে। ঝাড় যেমন বাড়তে থাকে তেমন দেহও বাড়তে থাকে, কিন্তু এর মধ্যে জ্ঞান নেই। জ্ঞান আর ভক্তি মানুষের জন্য। আত্মাই ভক্তি করে আবার আত্মাই জ্ঞান শোনে। আত্মাতে মন-বুদ্ধি আছে, আর আছে শুভ-অশুভ সংকল্প, যা প্রথমে মনে উত্পন্ন হয় তারপরে বুদ্ধি সিদ্ধান্ত নেয় সেই সংকল্প পালন করবে কি করবেনা। যতক্ষণ না বাবা আসেন ততক্ষণ আত্মা যে সংকল্প করে তা পাপযোগ (বিকল্প) হয়ে যায়। যদিও তারা ভগবানকে স্মরণ করে, কিন্তু একমাত্র তোমরাই বুঝতে পারো তাদের স্মরণ কোথায় রাইট বা রং। আলোকতত্ত্ব ভগবান নয়। ঈশ্বরকে স্মরণ করার সংকল্প মানুষ করে এবং তাদের বুদ্ধিও বলে যে সেটা রাইট, কিন্তু মায়া রাজ্য হওয়ায় বুদ্ধির তালা বন্ধ। মানুষ যে ভক্তি করে সেটা রং। তারা কৃষ্ণকে ভক্তি করে, কিন্তু সঠিকভাবে তাঁকে চিনতে পারেনা। তারা যাকিছু করে সেটা আনরাইটিয়াস অর্থাৎ বিধিপূর্বক করেনা। এখন বাবা দ্বারা বুদ্ধির আধ্যাত্মিক অনুভূতি হয়েছে। রং কর্ম করতে তোমাদের নিষেধাজ্ঞা দেওয়া হয়েছে। কর্মেন্দ্রিয় দ্বারা বিকর্ম করা নিষেধ। বুদ্ধি বলে, ঈশ্বর সর্বব্যাপী নন। বুদ্ধি এখন রাইট পথ খুঁজে পেয়েছে। তোমরা এখন সব বিষয়ের প্রকৃত বোধশক্তি লাভ করেছ। আগে যা কিছু করতে, রং করতে। তোমরা যে ভক্তি করেছ সেটাও বিধিসম্মত (আনরাইটিয়াস ছিলনা। শিবের ভক্তিতে তারা বড় লিপ্স বানায়, কিন্তু শিববাবার আকার তো অত বড়ই নয়। এখন তোমাদের বুদ্ধির তালা খুলে গেছে, তোমরা বুঝতে পারো সেই সবকিছু আনরাইটিয়াস। এই দুনিয়া মিথ্যা। সত্যযুগ সত্য দুনিয়া। এটার স্থাপনা কে করেছেন? একমাত্র, এক বাবাকেই টুথ বলা যায়। তিনি তোমাদের সবকিছু সত্য বলেন। তিনি সত্য বলেন এবং সত্যখণ্ড স্থাপন করেন। এই বিষয় অতি গভীর; বিশদভাবে এর বর্ণনা কেউ বুঝতে পারেনা।

তোমাদের অনেক গভীরে যেতে হবে! বাবা বলেন, যদি তোমরা এই সকল বিষয় ধারণ করতে অসমর্থ হও, শুধুমাত্র বাবাকে এবং উত্তরাধিকার স্মরণ করো আর দুঃখধামকে ভুলে যাও। মানুষ যখন নতুন বাড়ী বানায় তখন তাঁর বুদ্ধিযোগ পুরানো বাড়ী থেকে সরে নতুনের সাথে জুড়ে যায়। তারা বুঝতে পারে পুরানো বাড়ী তো চূর্ণ হয়েই যাবে। এইসব ব্যাপার বেহদের। তোমাদের দেহসমেত সবকিছু ছাড়তে হবে। এই দেহ তো তোমার সাথে যাবেনা! একমাত্র আত্মাই বাবার কাছে ফিরে যাবে। বাবা বলেন, আমি যেমন -যেরকম, সেইভাবে আমাকে স্মরণ করো এবং তোমাদের অর্থাৎ সব আত্মার মধ্যে কিভাবে তার পার্ট লিপিবদ্ধ হয়েছে! চুরাশি জন্মের পার্ট এত ছোট আত্মার মধ্যে লিখিত আছে! চুরাশি লাখ জন্মের পার্ট তো অসম্ভব। বাবা এখন তোমাদের বুদ্ধির তালা খুলেছেন ব'লে বুঝেছ যে সেইসব রং। কত ছোট আত্মায় তার চুরাশি জন্মের পার্ট লিপিবদ্ধ আছে, বাবা সেটাকে রাইট বলেন। বাবা বাচ্চাদের সাথেই কথা বলেন। তিনি নলেজফুল। তারা বলে, অমুক-অমুকে আই.সী.এস পড়েছে। আত্মাই পড়ে তার অরগ্যান্স দ্বারা। যদিও কেউ কেউ ধনবান বা গুরুত্বপূর্ণ ব্যক্তিত্ব হয় তবুও সে অসুস্থ হতে পারে, তাই না! এইরকম নয় যে গুরুত্বপূর্ণ ব্যক্তি হলে আয়ুও বড় হবে। প্রতিপত্তিশালী ব্যক্তি যত পাপ করে, গরীব তত করেনা। এই দুনিয়ায় শুধু পাপই পাপ! এটা পাপ আত্মাদের দুনিয়া। তাদের করা সবকিছুই পাপ। তারা যে ব্রাহ্মণ ভোজন করায়, সেও তো পতিতকেই খাওয়ানো হয়, তাই না! পতিতকে খাওয়ানোতে কোনও পুণ্য হয়না। এখন রিয়ালিটিতে অর্থাৎ কার্যতঃ তোমরা পবিত্র হচ্ছে। সল্যাসী যদিও পবিত্র তবুও তারা পবিত্র দুনিয়ায় যেতে পারেনা এবং পতিত দুনিয়াতেই তাদের পুনর্জন্ম নিতে হবে; সেক্ষেত্রে তোমরা পতিত দুনিয়ায় জন্ম নাও না। তারা ভাবে দুনিয়ার আয়ু অনেক বড়। যতক্ষণ না বিনাশ হচ্ছে ততক্ষণ তো পুনর্জন্ম নিতেই হবে, কেউ এর থেকে নিস্তার পেতে পারেনা। এটা তোমাদের শেষ

জন্ম । তোমরা জানো যে তোমরা পবিত্র দুনিয়ায় যাচ্ছ । বাবা বসে বোঝান, বাচ্চারা, তোমরা পবিত্র প্রবৃত্তি মার্গে থাকাকালীন দেবতা ছিলে, তারপর ক্রমাগত পুনর্জন্ম নিয়েই আসছ । তোমরা তোমাদের পূর্ব জন্ম জাননা । এটা কোনও একজনকে পড়ানো হয়না, অনেকে পড়ে । বাবা ব্রাহ্মণ বাচ্চাদের সাথেই কথা বলেন । শূদ্র এই সমস্ত বিষয় বুঝবে না । প্রথমে সাতদিন এই সবকিছু তাদের বুঝিয়ে দাও, তবে তারা বুঝবে যে তারা শিববংশী, ব্রহ্মাকুমার-কুমারী । এই পড়া থেকে তোমরা নতুন দুনিয়ার মালিক হও । এরা ব্রহ্মামুখ বংশাবলী, সবাই ব্রহ্মাবাবার সন্তান । তাঁকে গ্রেট গ্রেট গ্র্যান্ড ফাদার বলা হয়ে থাকে । ব্রহ্মাকে সর্বদা অতি বৃদ্ধ দেখানো হয় । যেমন খৃষ্ট, খৃষ্টানেরাও বারবার পুনর্জন্ম নিয়ে আসছে । গ্রেট গ্রেট গ্র্যান্ড খৃষ্ট । কিন্তু শিববাবা তো নিরাকার । তোমরা তাঁকে শুধু বাবা বলা । তিনি নিরাকার এবং তাঁকে গড ফাদার বলা হয় । তাঁর কোনও ফাদার বা গুরু নেই, কারণ তিনিই সদ্গুরু । তাহলে, অন্য যে গুরুরা রয়েছে তারা কে ? তারা শরীরি তীর্থযাত্রায় যায় সেক্ষেত্রে আমরা রুহানী যাত্রা করি । এখানে কারও মৃত্যু হলে বলে, সে স্বর্গে চলে গেছে । কিন্তু এটা মিথ্যা কারণ তারা এখানেই ফিরে আসে । কেউ কেউ বলে অমুকে অক্ষয় জ্যোতিতে বিলীন হয়ে গেছে । আচ্ছা, বড় বড় সাধু- সন্তের মৃত্যু হলে যদি তারা অক্ষয় জ্যোতিতে বিলীন হয়ে যায়, তবে তোমরা কেন তাদের স্মৃতি রক্ষার্থে মৃত্যুবার্ষিকী পালন করো ? এটা তো খুব ভালো হবে, যদি জ্যোতি অক্ষয় জ্যোতিতে মিশে যায় ! কিন্তু তাদের স্মৃতি বাঁচিয়ে রাখতে মৃত্যুবার্ষিকী পালন, ব্রাহ্মণ পুরোহিতকে ভোজন করানো, এইসব তো তবে মিথ্যা, তাই না ! যে বৈকুণ্ঠবাসী হয়েছে তাকে নরকের ভোজন খাওয়াচ্ছ ! একেই বলা হয়ে থাকে আনরাইটিয়াস অর্থাৎ বিধিসম্মত নয় । তারা যা করে ভুল করে ।

মানুষের বুদ্ধি একদম তালাবন্ধ হয়ে গেছে । বাবা বলেন, আমি এসে তালা খুলি, কিন্তু মায়া এসে আবার তালা বন্ধ করে দেয় । তারা বলে, ঈশ্বর সর্বব্যাপী । তারা মনে করে, এই জ্ঞান পরম্পরা ধরে চলে আসছে । বেচারাদের কোন কিছুই জানা নেই । জ্ঞান আর ভক্তি, ব্রহ্মার দিন আর ব্রহ্মার রাত্রি, দুটোই ইকুয়াল (এক সমান) হওয়া উচিত, তাই না ! এইসব ব্যাপার বেহদের । বাবা এসে সবকিছু বুঝিয়ে দেন । বাবাকে জ্ঞান রঞ্জের সাগর বলা হয় । এক-এক রঞ্জের মূল্য লাখ লাখ টাকা । বাবা বাচ্চাদের বোঝান, এতো কালকের ঘটনা । তোমাদের সব বুঝিয়ে রাজ্যভাগ্য দিয়ে গেছিলাম । তোমরা রাজত্ব করেছিলে তারপর খুইয়ে ফেলেছ । কাল তোমাদের রাজ্য ছিলো, কিন্তু আজ নেই । অতএব, আবারও একবার তোমাদের নিতে হবে । এটা আজ এবং আগামীকালের কথা । কাল ভারত স্বর্গ ছিলো । শিব জয়ন্তী ভারতে পালিত হয়, শিববাবা নিশ্চয়ই এসে থাকবেন । তিনি আবারও এসেছেন । তিনি তোমাদের রাজ্যভাগ্য দেন । এখন তোমরা কড়ি থেকে হীরায় পরিণত হচ্ছ । তোমরা অ্যাক্টররা বেহদ ড্রামার আদি-মধ্য -অন্ত জেনেছ অর্থাৎ ত্রিকালদর্শী হয়েছ । বাবা বলেন, মিষ্টি মিষ্টি বাচ্চারা আমাকে অর্থাৎ তোমাদের বাবাকে স্মরণ করো । আমাকে ভুলোনা । আমি তোমাদের স্বর্গের মালিক বানাতে এসেছি । তোমাদের যে নরকের মালিক বানায় তাকে তোমরা ভোলনা, আর আমাকে অর্থাৎ তোমাদের বাবাকে ভুলে যাও ! মায়া অবশ্যই তোমাদের ভুলিয়ে দেবে । যেমনই হোক, তোমরা স্মরণে থাকার চেষ্টা করো । আত্মাকে বাবা জ্ঞান দেন । আত্মার কাজ বাবার থেকে উত্তরাধিকার নেওয়া । তোমাদের দেহ-অভিমান ছাড়তে হবে । বাচ্চারা, একমাত্র এক বাবাই তোমাদের পুরুষার্থ করান । এটা পাঠশালা, দর্শন করার কোনো ব্যাপার নেই । তোমাদের প্রিন্সিপালের দর্শন করতে হয় ? এই সবকিছুই বোঝার বিষয় । এটা রাজযোগ পাঠশালা, এখানে এসে বোঝো । প্রথমে তাদের এক বাবার পরিচয় দিতে হবে । যতক্ষণ না তারা এই বিষয়ে বুঝছে ততক্ষণ আর এগিও না । তাদের বাবার পরিচয় দেওয়ার পরে তাদের দিয়ে এটা লিখিয়ে নেওয়া উচিত । একবার যদি এই নিশ্চয়

হয়ে যায় যে, শিববাবার থেকে তাদের বেহদের উত্তরাধিকার লাভ হয়, তবে এমন বাবার সাথে মিলিত না হয়ে থাকতে পারবেনা। বলা হয় ত্রিমূর্তি শিব। ব্রহ্মা, বিষ্ণু, শংকরকে শিব রচনা করেছেন। ব্রহ্মাকে অবশ্যই প্রজাপিতা বলা হবে। বিষ্ণু বা শংকরকে বলা হবেনা। প্রজাপিতা ব্রহ্মা দ্বারা বিষ্ণুপুরীর স্থাপনা হয়। জগৎপিতা আর জগদম্বা পরে লক্ষ্মী-নারায়ণ হন। তাঁদের সন্তানরা তাঁদের উত্তরাধিকার হয়। অতএব, ত্রিমূর্তি ব্রহ্মা বলার কোনও অর্থই হয়না। বাবা ঐনার (ব্রহ্মার) মধ্যে প্রবেশ করেছেন। বাবা ঐনার আত্মাকে পবিত্র বানান। আচ্ছা।

মিষ্টি-মিষ্টি হারানিধি (সিকিলধে) বাচ্চাদের প্রতি মাতাপিতা বাপদাদার স্মরণ-স্নেহ এবং গুড মর্নিং। রুহানী বাবার রুহানী বাচ্চাদের নমস্কার।

ধারণার জন্য মুখ্য সারঃ-

১) বাবা বুদ্ধির তালা খুলেছেন, এইজন্য তোমাদের কর্মেন্দ্রিয় দ্বারা কোনও রং কর্ম কোরোনা। খেয়াল রাখো যেন কোনও সঙ্কল্প পাপযুক্ত না হয়।

২) এখন ঘরে ফিরে যেতে হবে। এইজন্য এই দেহকেও ভুলে যেতে হবে। দুঃখধাম থেকে বুদ্ধিযোগ সরিয়ে বাবা আর উত্তরাধিকার স্মরণ করতে হবে।

বরদানঃ- সাইলেন্সের শক্তি দ্বারা অশুভকে শুভতে পরিবর্তনকারী শুভ ভাবনা সম্পন্ন ভব

যেমন সায়েন্সের সাধনের দ্বারা খারাপ জিনিসও পরিবর্তিত হয়ে ভালো জিনিস হতে পারে। এইভাবে তুমিও সাইলেন্সের শক্তি দ্বারা যেকোনও খারাপ পরিস্থিতিতে বা খারাপ সম্বন্ধকে ভালোভাবে পরিবর্তন করো। এমন শুভ ভাবনাসম্পন্ন হয়ে যাও যে তোমার শ্রেষ্ঠ সঙ্কল্প দ্বারা অন্য আত্মারাও খারাপকে পরিবর্তন করে ভালোভাবে ধারণ করতে পারে। নলেজ ফুলের হিসাবে রাইট আর রং এই দুটো জিনিসকে জানা আলাদা ব্যাপার। কিন্তু নিজের মধ্যে কোনও খারাপ কিছু খারাপ রূপে ধারণ করা ভুল। এইজন্য যখন তুমি খারাপ কিছু দেখবে বা খারাপ কিছু জানবে, সেইসব কিছুকে ভালোভাবে পরিবর্তন করো।

স্লোগানঃ- সহনশীলতার গুণ ধারণ করতে পারলে কঠোর সংস্কারও শীতল হয়ে যাবে।